



Broj: 05-4443-8-2/24
Sarajevo, 14.10.2024. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-4443-7-2/24 od 07.10.2024. godine, direktor Agencije za bankarstvo Federacije BiH donosi

ODLUKU
o izboru najpovoljnijeg ponuđača u postupku nabavke usluga – Lot 1
Usluge fiksne IP telefonije za lokaciju Sarajevo

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 05-4443-7-2/24 od 07.10.2024. godine i okvirni sporazum na period od 2 (dvije) godine za nabavku usluga fiksne IP telefonije za lokaciju Sarajevo za potrebe Agencije za bankarstvo Federacije BiH dodjeljuje se najpovoljnijem ponuđaču „Telemach“ d.o.o. Sarajevo.

Član 2.

Ukupna vrijednost okvirnog sporazuma iz člana 1. ove Odluke utvrđuje se u iznosu od 35.000,00 KM bez uračunatog poreza na dodanu vrijednost (PDV), što sa uračunatim PDV-om iznosi 40.950,00 KM.

Član 3.

Nakon sticanja uslova, Ugovorni organ će sa izabranim ponuđačem zaključiti okvirni sporazum o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

OBRASLOŽENJE

Odlukom o pokretanju postupka javne nabavke usluga broj: 05-4443/24 od 26.08.2024. godine, odobreno je provođenje postupka javne nabavke usluga fiksne IP telefonije i usluga mobilne telefonije za potrebe Agencije za bankarstvo Federacije BiH, na period od 2 (dvije) godine. Javna nabavka provedena je putem otvorenog postupka podijeljenog u tri Lot-a, a kao kriterij za dodjelu okvirnog sporazuma odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-249-3-65/24 objavljeno je na Portalu javnih nabavki dana 30.08.2024. godine.

U skladu s Rješenjem ugovornog organa, br. 05-4443-2/24 od 17.09.2024. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje Zapisnika o pregledu i ocjeni ponuda, te davanje preporuke direktoru ugovornog organa za donošenje Odluke o izboru najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda, br. 05-4443-7-2/24 od 07.10.2024. godine, u kojem je konstatovano da su u predmetnom postupku javne nabavke za Lot 1 – Nabavka usluga fiksne IP telefonije za lokaciju Sarajevo, pravovremeno dostavljene 2 (dvije) ponude.

Na osnovu izvršene analize i ocjene ponude u pogledu kvalifikacijskih i cjenovnih uslova postupka javne nabavke, Komisija je utvrdila da su ponude ponuđača „Telemach“ d.o.o. Sarajevo i „BH Telecom“ d.d. Sarajevo kvalifikovane i prihvatljive, obzirom da iste ispunjavaju sve uslove koji su propisani tenderskom dokumentacijom, te da su dostavljeni svi dokazi zahtijevani tenderskom dokumentacijom na propisan način.

Nakon odabira prihvatljivih ponuda, kvalifikovani ponuđači pozvani su da sudjeluju u e-Aukciji na Portalu javnih nabavki, koju je zakazala Komisija, shodno članu 4. Pravilnika o uslovima i načinu korištenja e-Aukcije („Služeni glasnik BiH“, broj: 80/23). U sljedećoj tabeli daje se rangiranje prihvatljivih ponuda nakon provedene e-Aukcije:

Redni broj	Ponuđač	Ukupna cijena, bez PDV-a
1.	„Telemach“ d.o.o. Sarajevo	570,00 KM
2.	„BH Telecom“ d.d. Sarajevo	580,00 KM

Uvidom u priloženu dokumentaciju, vidljivo je da je ponuda navedenog ponuđača prihvatljiva, da je njegova ponuda ocijenjena kao najpovoljnija, te je Komisija dala preporuku da se ponuđaču „Telemach“ d.o.o. Sarajevo, saglasno članu 69. stav (1) tačka b) Zakona o javnim nabavkama, dodijeli okvirni sporazum u predmetnom postupku javne nabavke, na period od 2 (dvije) godine.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.



POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Podnosilac žalbe je obavezan platiti naknadu za pokretanje žalbenog postupka, u skladu sa članom 108. Zakona o javnim nabavkama.



DIREKTOR
Jasmin Mahmuzić

Dostaviti:

1. Ponuđačima u postupku;
2. a.a.

